

Unimwaane Stevenson E Kawara Chile



Abotoro a mwananga ni katobibia te aonaaba n ibuobuoki nakoia aomata ao n reireiniia taekan Iesu Kristo.



Unimwaane Gary E. Stevenson ao Sister Lesa Stevenson a mwananga ma Beretitenti Russell M. Nelson ao Titita Wendy Nelson nako Chile ibukin te bwai ae moan te bongana. E a tia ni katabuaki te temboraa ae boou n te kawa ae Concepcion!

Te tembora ae tikiraoi aio bon te kauoua ni kateaki i Chile ao te ka 18 n tembora i Amerika Maiaki.




A roko ataei ma aia karo n ongora te tataro iroun Beretitenti Nelson ae onoti ae anga ni katabua te tembora.



Laura ao Alica O. a buoka kawenean te atibu ae te kabanea i tinanikun te tembora. E aranaki bwa atibun maninganinan te tembora. Ngkanne e a tauraoi te tembora ni katabuaki.

E mwaiti te mwaeiei ae riki i Chile. Te Concepción Chile Tembora iai aana ae onoti ni kawakinna man te uruaki ngkana e oro te mwaeiei.



“Te bong aei ti namakina raoi Karawa.”

Ngkai, membwa aika tau n Ana Ekaretia Iesu Kristo ibukiia Aika Itiaki ni Boong aika Kaitira a kona n rinnako inanona ni kabaeaki ma aia utu ao ni beku man karaoakin te bwabetito n te tembora!